

孟郊

王建

孟東野詩集卷第二

行役

西上經靈寶觀

觀即尹真人舊宅

道士無白髮語音靈泉清青松多壽色白石恒夜明放步霽霞起振衣華風生真文秘中頂寶氣浮四楹
一片古關路萬里今人行上仙不可見驅策徒西征

泛黃河

誰開崑崙源流出混沌河積雨飛作風驚龍噴為波湘瑟颼颼絃越賓嗚咽歌有恨不可洗虛此來經過
往河陽宿峽陵寄李侍御

暮天寒風悲屑屑啼鳥遶樹泉水噎行路解鞍投古陵蒼蒼隔山見微月鶚鳴犬吠霜煙昏開囊拂巾對
盤飧人生窮達感知已明日投君申片言

鷓鴣路溪行呈陸中丞

鷓鴣路不可越二十六渡溪有物飲碧水高林挂青蛻歷覽道更險驅使跡頻睽視聽易常主神魂互相迷
浪石忽搖動沙堤信難躋危峯紫霄外古木浮雲齊出阻望汝羣大賢多招攜疲馬戀舊秣羈禽思故棲
應憐泣楚玉棄置如塵泥

獨宿峴首憶長安故人

月迴無隱物況復大江秋江城與沙村人語風颼颼峴亭當時故人不同遊故人在長安亦可將夢求

自商行謁復州盧使君虔

一身遠千山遠作行路人未遂東吳歸暫出西京塵仲宣荊州客今余竟陵賓往蹟雖不同託意皆有因
商嶺莓苔滑石坡上下頻江漢沙泥潔水白光景新獨淚起殘夜孤吟望初晨驅馳竟何事章句依深仁
夢澤行

楚山爭蔽虧日月無全輝楚路饒迴惑旅人有迷歸騏驥思北首鷓鴣願南飛我懷京雒遊未厭風塵衣
京山行

衆蟲聚病馬流血不得行後路起夜色前山聞虎聲此時遊子心百尺風中旌

旅次湘沅有懷靈均

分拙多感激久遊遵長途經過湘水源懷古方踟躕舊稱楚靈均此處殞忠軀側聆故老言遂得旌賢愚
名參君子場行為小人儒騷文銜貞亮體物情崎嶇三黜有愠色即非賢哲模五十爵高秩謬膺從大夫
胷中積憂愁容鬢復彫枯死為不弔鬼生作猜謗徒吟澤潔其身忠節寧見輸懷沙滅其性孝行焉能俱
且聞善稱君一何善自殊且聞過稱己一何過不渝悠哉風土人角黍投川隅相傳歷千祀哀悼延八區
如今聖明朝養育無羈孤君臣逸雍熙德化盈紛數巾車狗前侶白日猶昆吾寄君臣子心戒此真良圖

過彭澤

揚帆過彭澤舟人訝歎息不見種柳人霜風空王寂歷

過分水嶺

山壯馬力短路行石齒中十步九舉纏廻環失西東溪水變為雨懸崖陰濛濛客衣颼颼秋葛花零落風白日捨我沒征途忽然窮

分水嶺別夜示從弟寂

一作示于孟叔

南中少平地山水重疊生別泉萬餘曲迷舟獨難行四際亂峯合一眺千慮并潺湲冬夏冷光彩晝夜明賞心難久勝離腸忽自驚古木搖霽色高風動秋聲飲爾一樽酒慰我百憂輕嘉期何處定此晨堪寄情

連州吟三章

春風朝夕起吹綠日日深試為連州吟淚下不可禁連山何連連連天碧岑崖哀猿哭花死子規裂客心蘭芷結新佩瀟湘遺舊音怨聲能翦絃坐撫零落琴

羽翼不自有相追力難任唯憑方寸靈獨夜萬里尋方尋魂颼颼南夢山峩嶷髮髯驚魑魅悉窅聞楓林正直被放者鬼魅無所侵賢人多安排俗士多虛散孤懷吐明月衆毀鑠黃金願君保玄曜壯志無自沈朝亦連州吟暮亦連州吟連州果有信一紙萬里心開緘白雲斷明月墮衣襟南風嘶舜琯苦竹動猿音萬里愁一色瀟湘雨淫淫兩劍忽相觸雙蛟恣浮沈關水正迴幹倒流安可禁空愁江海信驚浪隔相尋

旅行

楚水結冰薄楚雲為雨微野梅參差發旅榜逍遙歸

紀贈

上河陽李大夫

上將秉神畧至兵無猛威三軍當嚴冬一撫勝重衣霜劍奪衆景夜星失長輝蒼鷹獨立時惡鳥不敢飛
武牢鎖天關河橋組地機大將奚以安守此稱者稀貧士少顏色貴門多輕肥試登山岳高方見草木微
山岳恩既廣草木心皆歸

投贈張端公

君子量不極宵吞百川流嫉邪霜氣直問俗春辭柔日戶晝輝靜月杯宵景幽詠驚芙蓉發笑激風颭秋
鸞步獨無侶鶴音仍寡傳幸沾分寸顧散此千萬憂

贈蘇州韋郎中使君

謝客吟一聲霜落羣聽清文含元氣柔鼓動萬物輕嘉木依性植曲枝亦不生塵埃徐庾詞金玉曹劉名
章句作雅正江山益鮮明蘋萍一浪草菰蒲片池榮曾是康樂詠如今寧其英顧惟菲薄質亦願將此并
上張徐州

為水不入海安得浮天波為木不在山安得橫日柯再來君子傍始覺精義多大德唯一施衆情自偏頗
至樂無宮徵至聲遺謳謠願鼓空桑絃永使萬物和顧已誠拙訥千名已蹉跎獻詞唯在口所欲無餘他
乍作支泉石乍作翳松蘿一不改方圓破質為琢磨賤子本如此大賢心若何豈是無異途異途難經過

上包祭酒

岳岳冠蓋彥英英文字雄瓊音獨聽時塵韻固不同春雲生紙上秋濤起甯中時吟五君詠再舉七子風
何幸松桂侶見知勤苦功願將黃鶴翅一借飛雲空

贈崔純亮

食齋腸亦苦強歌聲無歡出門即有礙誰謂天地寬有礙非遐方長安大道傍小人知慮險平地生太行
鏡破不改光蘭死不改香始知君子心交久道益彰君心與我懷離別俱迴遑譬如浸蘗泉流苦來日長
忍泣目易衰忍憂形易傷項籍非不壯賈生非不良當其失意時涕泗各沾裳古人勸加食此食難自強
一飯九祝噎一嗟十斷腸況是兒女怨怨氣凌彼蒼昔有知白日下清霜今朝始驚歎碧落空茫茫
贈文應上人

棲遲青山巔高靜身所便不踐有命草但飲無聲泉齋性空轉寂學情深更專經文開貝葉衣製垂秋蓮
厭此俗人羣暫來還却旋

嚴河南

赤令風骨峭語言清霜寒不必用雄威見者毛髮攢我有赤令心未得赤令官終朝衡門下忍志將筑彈
君從西省郎正有東洛觀洛民蕭條久感恩憫撫難苦竹聲嘯雪夜齋聞千竿詩人偶寄耳聽苦心多端
多端落杯酒酒中方得歡隱士多隱酒此言信難刊取次令坊沽舉止務在寬何必紅燭嬌始言清宴闌
丈夫莫矜莊矜莊不中看

贈李觀

觀初登第

誰言形影親燈滅影去身誰言魚水歡水竭魚枯鱗昔為同恨客今為獨笑人捨予在泥轍飄跡上雲津
卧木易成蠹棄花難再春何言對芳景愁望極蕭晨理劍誰識氣匣絃日生塵願君語高風為余問蒼昊

吳安西館贈從弟楚客

客一無字

蒙籠楊柳館中有南風生風生今為誰湘客多遠情孤枕楚水夢獨帆楚江程覺來殘恨深尚與歸路并玉匣五絃在請君時一鳴

贈章仇將軍

將軍不誇劍才氣為英雄五岳拽力內百川傾意中本立誰敢拔飛文自難窮前時天地翻已有扶正功
贈道月上人

僧貌淨無點僧衣寔綴華尋常晝日行不使身影斜飯木煮松栢坐山數雲霞欲知禪隱高緝辭為袈裟
抒情因上郎中二十二叔監察十五叔兼呈李益端公柳鎮評事

方憑指下絃寫出心中言寸草賤子命高山主人恩遊邊風沙意夢楚波濤魂一日引別袂九迴霑淚痕
自悲何以然在禮闕晨昏名利時轉甚是非宵亦喧浮情少定主百慮隨世翻舉此胸臆恨幸從賢哲論
明明三飛鸞照物如朝暉

贈城郭道士

望裏失却山聽中遺却泉松枝休策雲藥囊翻貯錢曾依青桂鄰學得白雲絃別來意未迴世上為隱仙
桐廬山中贈李明府

靜境無濁氛清雨零碧雲千山不隱響一葉動亦聞即此佳志士精微誰相羣欲識楚章句袖中蘭茝薰
獻漢南樊尚書

天下昔崩亂大君識賢臣衆木盡搖落始見竹色真岳勢走山岳陽光潛埃塵心開玄女符面縛清波人
異俗既從化澆風亦歸淳自公理斯羣寒谷皆變春旗影卷赤電劍鋒匣青鱗如何高高氣作鎮楚水濱
雲景忽開霽孤光射無垠乃知尋常鑒照影不照神

贈轉運陸中丞

掌運職既大摧邪名更雄鵬飛簸曲雲鷲怒生直風投彼霜雪令翦除荆棘叢楚倉傾向西吳米發自東
帆影咽河口車聲聾關中堯知才策高人喜道路通皆驚內史力繼得鄮侯功萊子真為少相如未免窮
衣花野莖莖書葉山梧桐不是宗匠心誰憐久棲蓬

贈萬年陸郎中

天子憂劇縣寄深華省郎紛紛風響珮蟄蟄劍開霜舊事笑堆案新聲唯雅章誰言百里才終作橫天梁
江鴻恥承眷雲津未能翔徘徊塵俗中短義無輝光

擢第後東歸書懷獻座主呂侍郎

昔歲辭親淚今為戀恩泣去住情難並別離景易戢天矯大空鱗曾為小泉蟄幽意獨沈沈時震雷忽相及
神行既不宰直致非所執至運本遺功輕生各自立大君思此化良佐自然集寶鏡無私光時文有新習
慈親誠志就賤子歸情急擢第謝靈臺衣出皇邑行襟海日曙逸抱江風入葦葭得波浪芙蓉紅岸濕
雲寺勢動搖山鐘韻噓吸舊遊期再踐懸水得重挹松蘿雖可居青紫終當拾

古意贈梁肅補闕

曲木忌日影說人畏賢明自然照燭間不受邪佞輕不有百鍊火孰知寸金精金鉛正同鑪願分精與麤
贈黔府王中丞楚

舊說天下山半在黔中青又聞天下泉半落黔中鳴山水千萬遠中有君子行儒風一以扇汙俗心皆平
我願中國春化從異方生昔為陰草毒今為陽華英嘉實綴綠蔓涼湍瀉清聲逍遙物景勝視聽空曠并
困驥猶在轅沈珠尚隱精路遐莫及盼泥污日已盈歲宴將何從落葉甘自輕

上達吳舍人

北山少日月草木苦風霜貧士在重坎食梅有酸腸萬俗皆走圓一生猶學方常恐衆毀至春葉成秋黃
大賢秉高鑒公燭無私光暗室曉未及幽吟涕空行

贈主人

斗水瀉大海不如瀉枯池分明賢達交豈顧豪華兒海有不足流豪有不足資枯麟易為水貧士易為施
幸覩君子席會將幽賤期側聞清風議如飲黃金卮此道與日月同光無盡時

贈建業契公

師住青山寺清華常遶身雖然到城郭衣上不棲塵

獻襄陽于大夫

襄陽青山郭漢江白銅堤謝公領茲郡山水無塵泥鐵馬萬霜雪絳旗千虹蜺風漪參差泛石板重疊躋
舊淚不復墮新歡居然齊還耕竟原野歸老相扶攜物色增曖曖寒芳更萋萋淵清有遐畧高躅無近蹊

即此富蒼翠自然引翔棲曩遊常抱憶夙好今尚睽願言從逸轡暇日凌清溪

贈鄭夫子魴

天地入胸臆吁嗟生風雷文章得其微物象由我裁宋玉逞大句李白飛狂才苟非聖賢心孰與造化該
勉矣鄭夫子驪珠今始胎

大隱坊三首

崔從事鄭以直隳職

一作官

古人留清風千載遙贈君破松見貞心裂竹看直文殘月色不改高賢德常新家懷詩書富宅抱草木貧
安得一蹄泉來化千尺鱗含意永不語釣璜幽水濱

章仇將軍良棄功守貧

飲君江海心詎能辨淺深揖君山岳德誰能齊嶽岑東海精為月西岳氣凝金進則萬景晝退則羣物陰
我欲薦此言天門峻沈沈風颺亦感激為我颺颺吟

趙記室倣在職無事

卑靜身後老高動物先推方圓水任器剛勁木成灰大道毋羣物達人腹衆才時吟堯舜篇心向無為開
彼隱山萬曲我隱酒一杯公庭何所有日日清風來

贈韓郎中愈二首

何以定交契贈君高山石何以保貞堅贈君青松色貧居過此外無可相彩飾聞君碩鼠詩吟之淚空滴

碩鼠既穿墉又噬機上絲穿墉有闕土噬絲無餘衣朝吟枯桑柘暮泣穿杼機豈是無巧妙絲斷將何施
衆人上肥華志士多飢羸願君保此節天意當察微

前日遠別離今日生白髮欲知萬里情曉卧半牀月常恐百蟲秋使我芳草歇

戲贈元本二首

長安秋聲乾木葉相號悲瘦僧卧冰凌嘲詠含金瘡金瘡非戰痕峭病方在茲詩骨聳東野詩濤湧退之
有時踉蹌行人驚鶴阿師可惜李杜死不見此狂癡

燕僧聳聽詞袈裟喜新翻北岳厭利殺玄功生微言天高亦可飛海廣亦可源文章杳無底斷掘誰能根
夢靈髮髯到匠我方與論拾月鯨口邊何人免為吞燕僧擺造化萬有隨手奔補綴雜霞衣笑傲諸貴門
將明文在身亦爾道所存朔雪凝別句朔風飄征魂再期嵩少遊一訪蓬蘿村春草步步綠春山日日喧
遙鶯相應吟晚聽恐不繁相思塞心胸高逸難攀援

懷寄

寄張籍

夜鏡不照物朝光何時昇黯然秋思來走入志士膺志士惜時逝一宵三四興清漢徒自朗濁河終無澄
舊愛忽已遠新愁坐相凌君其隱壯懷我亦逃名稱古人貴從晦君子忌黨朋傾敗生所競保全歸瞻瞻
浮雲何當來潛虬會飛騰

憶周秀才素上人時聞各在一方

東西分我情魂夢安能定野客雲作心高僧月為性浮雲自高閑明月常空淨衣敝得古風居山無俗病
吟聽碧雲語手把青松柄羨爾欲寄書飛禽香難倩

舟中喜遇從叔簡別後寄上時從叔初擢第歸江南郊不從行

一意兩片雲暫合還却分南雲乘慶歸北雲與誰羣寄聲千里風相喚聞不聞

懷南岳隱士二首

見說祝融峯擎天勢似騰藏千尋布水出十八高僧古路無人跡新霞吐石稜終居將爾叟一一共余登
千峯映碧湘真叟此中藏飯不資石喫眉應似髮長楓裡楮酒甕鶴風落琴牀強效忘機者斯人尚未忘
春夜憶蕭子真

半夜不成寐燈盡又無月獨向塔前立子規啼不歇況我有金蘭忽爾為胡越爭得明鏡中久長無白髮
寄院中諸公

奕奕秋水傍駸駸綠雲蹄月仙有高曜靈鳳無卑棲翠色遠雲谷碧華凝月溪竹林遞歷覽雲寺行攀躋
冠多猶屈蠅匣龍期剗犀千山驚月曉百里聞霜聲戎府多秀異謝公期相攜因之仰羣彥養拙固難齊
寄洺州李大夫

自從薊師反中國事紛紛儒道一失所賢人多在軍鳥巢憂迸射鹿耳駭驚聞劍折唯恐匣弓貪不讓勲
方知省事將動必謝前羣鸛陳常先罷魚符最晚分步閑洺水曲笑激太行雲詩叟未相識竹兒爭見君
殷勤越談說記盡古風文

寄盧虔使君

霜露再相換遊人猶未歸歲新月改色客久線斷衣有鶴冰在翅竟久力難飛千家舊素沼昨日生綠輝
春色若不借為君步芳菲

寄崔純亮

百川有餘水大海無滿波器量各相懸賢愚不同科羣辯有姿語衆歡無行歌唯餘洛陽子鬱鬱恨常多
時讀過秦篇為君涕滂沱

汴州離亂後憶韓愈李翱

會合一時哭別離三斷腸殘花不待風春盡各飛揚歡去收不得悲來難自防孤門清館夜獨卧明月牀
忠直血白刃道路聲蒼黃食恩三千士一旦為豺狼海島士皆直夷門士非良人心既不類天道亦反常
自殺與彼殺未知何者臧

寄張籍

未見天子面不如雙盲人賈生對文帝終日猶悲辛夫子亦如盲所以空泣麟有時獨齋心髮髯夢稱臣
夢中稱臣言覺後真埃塵東京有眼富不如西京無眼貧西京無眼猶在耳隔牆時聞天子車聲之轉轉
轉轉車聲輾冰玉南郊壇上禮百神西明寺後窮瞎張大祝縱爾有眼誰爾珍天子只尺不得見不如閉
眼且養真

寄義興小女子

江南莊宅淺所固唯疎籬小女未解行酒弟老更癡家中多吳語教爾遙可知山恠夜動門水妖時弄池
所憂癡酒腸不解委曲辭漁妾性崛強耕童手銳釐想茲為襁褓如烏拾柴枝我詠元魯山胸臆流甘滋
終當學自乳起坐常相隨

憶江南弟

白首眼垂血望爾唯夢中筋力強起時魂魄猶在東眼光寄明星起來東望空望空不見人江海波無窮
衰老無氣力呼叫不成風子然憶憶言落地何由通常師共被教竟作生離翁生離不可訴上天亦曾聽
未忍對松栢自鞭殘朽躬自鞭亦何益知教非所崇努力拄杖來餘活與爾同不然死後恥遺死亦有終
宿空姪院寄澹公

夜坐冷竹聲二三高人語燈窗看律鈔小師別為侶雪簷晴滴滴茗椀華舉舉磬音多風颭聲韻聞江楚
官街不相隔詩思空愁予明日策杖歸去住兩延佇

寄陝府鄧一作寶給事

陝城臨大道館宇屹幾鮮候謁隨芳語鏗詞分蜀牋從來鏡目下見盡道心前自謂古詩量異將新學偏
慙人年六十每月請三千不敢等閑用願為長壽錢非關亦潔爾將以救羸然孤省癡故敝默吟寫綿綿
病書憑晝日驛信寄宵鞭疾訴將何喻肆鱗今倒懸塵鯉見枯浪土鬣思乾泉感感無緒蕩愁愁作口邊
貞元文祭酒比謹學韋玄滿座無風雜當朝雅獨全見知囑徐孺賞句類陶淵一顧生鴻羽再言將鶴翩
宣陽隘車馬君子湊駢闐曾是此同睽至今應賜憐磨墨零落淚楷字貢仁賢

送諫議十六叔至孝義渡後奉寄

曉渡明鏡中霞衣相颺颺浪鳬驚亦雙蓬客將誰僚別飲孤易醒離憂壯難銷文清雖無敵儒貴不敢驕
江吏捧紫泥海旗翦紅蕉分明太中禮跨躡毘陵橋伊洛去未迴遐矚空寂寥

至孝義渡寄鄭軍事唐二十五

咫尺不得見心中空嗟嗟官街泥水深下脚道路斜嵩少玉峻峻伊雒碧華華岸亭當四迫詩老獨一家
消叟何所如鄭食唯有些何當來說事為君開流霞

酬答

答友人

白日照清水淺深無隱姿君子業高文懷抱多正思砥行碧山石結交青松枝碧山無轉易青松難傾移
落落出俗韻琅琅大雅詞自非隨氏掌明月安能持千里不可倒一返無近期如何非意中良覲忽在茲
道語必疎淡儒風易凌遲願存堅貞節勿為霜霰欺

酬友人見寄新文

為客棲未定況當玄月中繁雲翳碧霄落雪和清風郊陌絕行人原隰多飛蓬耕牛返村巷野鳥依房櫳
我無飢凍憂身託蓮花宮安閑賴禪伯復得疎塵蒙鑒君郢曲文詞彩何冲融謳吟不能已頓覺形神空

答韓愈李觀別因獻張徐州

富別愁在顏貧別愁銷骨懶磨舊銅鑑畏見新髮白古樹春無花子規啼有血離絃不堪聽一聽四五絕

世途非一險俗慮有千結有客步大方驅車獨迷轍故人韓與李逸翰雙皎潔哀我摧折歸贈詞縱橫設徐方國東樞元戎天下傑稱生投刺遊王粲吟詩謁高情無遺照朗抱開曉月有土不埋冤有讎皆為雪願為直草木永向君地列願為古琴瑟永向君聽發欲識丈夫心曾將孤劍說

答書上人止讒作

烈烈驚鶯驚吟鏗鏗琅玕音景推明月嘯鶴起清風心渭水不可渾涇流徒相侵俗侶唱桃葉隱仙鳴桂琴子野真遺却浮淺藏淵深

答姚怱見寄

日月不同光晝夜各有宜賢哲不苟合出處亦待時而我獨迷見意求異士知如將舞鶴管誤向鶯鶯吹大雅難具陳正聲易漂淪君有丈夫淚泣人不泣身行吟楚山下義淚沾衣巾

答郭郎中

松柏死不變千年色青青志士貧更堅守道無異營每彈瀟湘瑟獨抱風波聲中有失意吟知者淚滿纓何以報知者永存堅與貞

答盧虔故園見寄

訪舊無一人獨歸青雒春花聞哭聲死水見別容新亂後故鄉宅多為行路塵因悲楚左右謗玉不知珉汝墳蒙從弟楚材見贈時郊將入秦楚材適楚

朝為主人心夕作行客吟汝水忽淒咽汝風流苦音北闕秦門高南路楚石深分淚洒白日離腸繞青岑

何以寄遠懷黃鶴能相尋

同從叔簡酬盧殷少府

梅尉吟楚聲竹風為淒清深虛冰在性高潔雲入情借水洗閑貌寄蕉書逸名羞將片石文關此雙瓊英

酬李侍御書記秋夕雨中病假見寄

秋風遶衰柳遠客聞雨聲重茲阻良夕孤坐唯積誠果枉移疾詠中含嘉慮明洗滌煩濁盡視聽昭曠生未覺衾枕倦久為章奏嬰達人寶藥所保在閑情

答盧仝

楚屈入水死詩孟踏雪僵直氣苟有存死亦何所妨日劈高查牙清稜含水漿前古後古水與山氣勢強閃恠千石形異狀安可量有時春鏡破百道聲飛揚潛仙不足言朗客無隱腸為君傾海宇日夕多文章天下豈無緣此山雪昂藏煩君前致詞哀我老更狂狂歌不及狂歌聲緣鳳皇鳳兮何當來消我孤直瘡君文真鳳聲宣隘滿鏗鏘洛友零落盡連茲悲重傷獨自奮異骨將騎白角翔再三勸莫行寒氣有刀槍仰慙君子多慎勿作芬芳

奉報翰林張舍人見遺之詩

百蟲笑秋律清削月夜聞曉稜視聽微風翦葉已紛君子鑒大雅老人非俊羣收拾古所棄俛仰補空文孤韻恥春俗餘響逸零露自然蹈終南滌暑凌寒氣巖霰不知午澗漸鎮含曛曾是醒方醉所以多隱淪江調樂之遠溪謠生徒新衆蘊有餘採寒泉空哀呻南謝竟莫至北宋當時珍蹟靈各自異酌酒誰能均